

“Bo ta Santo”

Exitoso tabata e concierto di Eltienne Yarzagaray



ORANJESTAD (AAN): Tur hende di trempa a cuminsa yega na Cas di Cultura riba Diasabra, pasobra nan tabata den expectativa pa cu e concierto “Bo ta Santo” di e cantante hopi conoci na Aruba, Eltienne Yarzagaray y United Melodies.

E anochi aki nan a presenta e CD nobo cu canticanan di alabansa den diferente ritmo manera simadan, reggae y hopi otro. E anochi aki a estrenar tambe, e video clip dirigi y produci pa Juan Torres

di e cantica cu a logra di yega posicion number 1 na e radionan di Aruba, “Bo ta Santo”.

Tabatin e anochi aki, invitadonan special den e concierto manera Rejoice Gospel Group Aruba, grupo Love 4 God y Miguel Genser. Tambe a ofrece publico, chens pa cumpra T-shirts pa keda cu un bunita recuerdo di e anochi aki.

E anochi a resulta den un gran exito, y e palabranan di alabanza a keda graba den curazon di tur hende.